

Pilipai

Pol Pilipai nibi bi kalip köp kali kliš rika

1 ¹Yad Pol. Dimodi hol mihöj Krajs Jisas nip wög gipul rö, nipe apöm midö niñöl gi, kalöp köp i kali kliš rikabin. Krajs Jisas nip cig gimim nibi bi nipe daun kub Pilipai gau midpim kalöp magöñhalö köp i kali kliš rikabin. Kalöp magöñhalö, Krajs nibi bi nipe midpim gau; Krajs nibi bi nipe abad midpim bi kub gau; bi abad midep gau kalip wög gi ñibim nibi bi gau; kalöp magöñhalö manö anibi hagabin.^a ²God Bapi hon abe, Bi Kub Jisas Krajs abe, kalöp mög niñmil ud aij gilö, mid aij gimim.

Pol Krajs nibi bi Pilipai gau sabe göm, God nip aij a ga

³Yad kalöp gasi niñem God yad nip aij a gabin. ⁴⁻⁵God nip niñ udpe ñin u rikö, yad Krajs manö aij u nibi bi gau kalip hag ñimidin u, kale pör yip gi ñimidim. Anib u, kalöp magöñhalö God nip sabe gem, yad pör nöp miñ miñ gem sabe gipin. ⁶Yad niñbin, God kalöp nöd nibi bi nipe uda u, kalöp arö gagnab me; nipe wög aij anibu gi dam dam kalöp abad mid dam dam, Krajs Jisas ado gi aunab.^b

⁷Yad nöd gau gau aramem, Krajs manö aij u hag ñainö, nibi bi rimnap manö pen pen haglö niñöl gi, yad kalip aip manö hag amil apil gem, Krajs manö aij u manö niñö yabił midöp u hag ñi ajmidin abe, miñi aui nagı midpin u abe, God yip hag lö wög nip gimidin u, kale magöñhalö pör nöp yip gi ñimidim. Anib u, yad kalöp midmagö lem, gasi niñöl gi nöp midpin me. ⁸God niñöb Krajs Jisas kalöp midmagö löp rö u, yad kalöp anib unbö rö nöp midmagö libin.

⁹Yad God nip sabe gem hagpin, kale pen pen midmagö li midpe, midmagö lep magö u kub gö niñöl gi, kale manö niñö u gasi niñ aij gimim, manö ud asik gi aij yabił ginabim. ¹⁰Anib u, adan mai adan aij

^a 1:1 Ap 16:12-40 ^b 1:6 1Ko 1:8

yabił u niŋ aij gimim, adan aij yabił adö anıbu nöp arammim, aij yabił göp adö u nöp gi midpe me, kalöp manö ap midageinab niñöl gi Kraıs ado gi aunab.^c ¹¹Anıb u, Jisas Kraıs nıbi bi nıpe kalıp gi ñö, kale gi aij gıpal rö u, nıpe kalöp u rö nöp gö, kale gi aij göl gi nöp midpe, nıbi bi gau niñöm God hib nıpe haglö adö arnim.

Pol nagi lila au mideia pen Jisas manö aij u kub ara

¹²Pen añ mam bi niñim! Kraıs manö aij u niñaglaŋ a göm, yıp nagi lila u pen nagi midpin rö, Kraıs manö aij u amöm kub aröp. ¹³Nıbi bi gapman bi kub Sisa nıp wög gi ñıbal gau magöŋhalö abe, nıbi bi yihariŋ gau iru nöp abe, yad Kraıs manö u nöp hag ñınö, yıp nagi libal u niñbal.^d ¹⁴Pen yad nagi midpin u me, añ mam iru yabił nöp Bi Kub niñ ud pidöŋ göm, piñiŋ gagöm, klö göm God Manö u waiö hag ñıbal. ¹⁵Niñö nöp, rimnap yıp mulu lugö, hon u rö nöp giŋo, hon hib kub mideiaŋ a göm, Kraıs manö hag ñıbal. Pen rimnap, yıp gasi niñ aij göm, Kraıs manö hag ñıbal. ¹⁶God yıp hag lö, Kraıs manö aij u manö niñö yabił midöp u hag ñıbin u niñöm, yıp midmagö löm, kale u rö nöp Kraıs manö aij u hag ñıbal.

¹⁷Pen nıbi bi yıp mulu lugö Kraıs manö hag ñıbal gau, gasi mihöp midö, yıp gilö ulham mideinabin, kale pen hib kub udnaböl a göm, aniğ gıpal. ¹⁸Pen u manö midagöp! Kale yıp gasi aij niñöm Kraıs manö aij u hag ñıbal aka yıp gasi naij niñöm Kraıs manö aij u hag ñıbal u, nan kub u kale Kraıs manö aij u hag ñıbal. Anıb u, yad miñ miñ gıpin.

Pol, Kraıs yıp abad mideinab, a ga

Yad miñ miñ gıpin u, hainö u rö nöp miñ miñ giŋabin. ¹⁹Yad niñbin, kale God nıp sabe göl gi midpe, Jisas Kraıs Ana nıpe yıp abad midö, yad nagi midpin i höŋ arnabin.^e ²⁰Pen yıp aij giŋab u, yad nan niñön niñön giŋabin, kamiŋ mideinabin aka umnabin, yad gasi halö midem hañ romaŋ yad klö gem Kraıs manö aij nıpe u hag ñem, hib nıpe u hagnö adö arö niñöl gi yad nable ganiñim. Nöd aniğ ga u, hainö anıb unbö rö nöp giŋim u aij. ²¹Kamiŋ yad u Kraıs me; umnabin u, miñi midpin rö wasö, mid aij yabił giŋabin.^f ²²Hañ romaŋ anıbi kamiŋ mideinabin u, wög giŋö nan magö rimnap piñnab. Anıb u, yad umnabin aka mideinabin u niñagpin. ²³Anıb u, yad gasi mihöp midöp, pen umem am Kraıs aip mideinam a gi gasi niñbin. Aniğ giböp, yıp aij yabił giböp.^g ²⁴Pen gasi yad ap midöp u, hañ romaŋ anıbi midem, kalöp gi ñö, mid aij giŋim u nan kub. ²⁵Anıb u, yad ke gasi klö niñbin u, umagnabin; kalöp gi ñınö, Kraıs manö aij nıpe u niñ ud aij göl gi, nıp ciğ pidöŋ göl gi, gi dammim, miñ miñ göl gi mideinabim. ²⁶Anıb u, kale midpim u kauyaŋ amjakem seg mideinabun u, kalöp aij gö, Jisas Kraıs miñ miñ yabił göl gi mideinabim.

^c 1:10 1De 5:23 ^d 1:13 Ap 28:30 ^e 1:19 2Ko 1:11 ^f 1:21 Gal 2:20 ^g 1:23 2Ko 5:8

Kale piñiñ gagmim

²⁷Pen nan kub u, Krais manö aij u hagöp rö nöp niñmim gi aij gimim. Anig geinabim u, yad midpim u ninabin aka gai i midnö manö auö, kale gasi añi nöp niñmim, klö yabił wög jim ñöl gimim, Krais manö aij u niñ ud pidöñ gimim, nibi bi gau hag ñinabim.^h ²⁸Pen nibi bi kalöp gi naj gipal gau niñmim, piñiñ gagmim. Jim ñöl midmim piñiñ gagpe, kale niñnaböl, God kalip al pak löm, kalöp pen ud kamiñ yunab. ²⁹God nan aij ap kalöp ñöb u, kale Krais nip niñ udpim. Pen God nan aij ap kalöp ñöb u, kale Krais nibi bi nipe midmim, nibi bi rimnap kalöp mulu lugajip kale ilön udpim.ⁱ ³⁰Yad bi nipe midnö yip gi naj gipal rö, miñi kalöp u rö nöp gipal. Kale aip midnö yip gi naj geila ulham midmidin u amgö kale ke niñbim. Miñi u rö nöp, yip gi naj gipal u, nibi bi rimnap kalöp manö hag ñilö, niñbim.

Añ mam gau kalip midmagö lun

2 ¹Krais kalöp mög niñöm udöp u me, kale pidöñ limim gasi iru niñagpim. Krais kalöp midmagö löp u me, kale gasi halö midpim. Ana nipe kalöp añ dañ midöp u me, kale nip jim ñöl midmim, añ mam gau pen pen mög niñmim ud aij gipim. ²Anib u, gasi adö añi niñmim, pen pen midmagö limim, gasi kale jim ñöl midaimim. Anig geinabim me, yip aij yabił ginab. ³Hon nibi bi kub midno, nibi bi rimnap hanip niñöm hib hon haglö adö arañ, a gimim gasi u niñagmim. Hon nöp nibi bi kub, nibi bi rimnap gau nibi bi pro a gimim gasi u niñagmim. Nibi bi gau magöñhalö ud aij gep nibi bi midpal a gi gasi u niñmim.^j ⁴Hon nöp mid aij gun a gimim gasi u niñagmim; nibi bi rimnap u rö nöp mid aij gilañ a gimim gasi u niñmim.^k

Krais Jisas gasi niñöm ga rö u gimim

⁵Krais Jisas gasi niñöm ga rö u gimim:

⁶Krais Jisas hadame dagol gau

pör nöp God midöp rö nöp midöp u pen

God klö midöp rö u,

adip adip midaiul a gi gasi u niñaga.^l

⁷Gasi nipe ke niñöm,

nan nipe magöñhalö gau arö gem,

bi nagi wög gep rö mideinam a gö,

nime nip yag dauö ñiñañ ap nöp löm,

nibi bi midpal rö nöp mideia.^m

^h 1:27 Ep 4:1; 1De 2:12 ⁱ 1:29 Ap 16:19-40 ^j 2:3 Gal 5:26 ^k 2:4 1Ko 10:24

^l 2:6 Jon 1:1-2; 17:5 ^m 2:7 2Ko 8:9; Jon 1:14

- 8 Pen gasi yad ke niñem ginam a göm gaga;
 God haga rö nöp gi dam arö niñöl gi,
 bi naj yabił kalip pen ilön ñibal rö u,
 nip mab kros ba lañ al pak lilö uma.ⁿ
- 9 Krai ga anibu, God nip dam
 ram minöñ kumi kabö adö lañ au löm,
 nip hib ke yabił hib adö lañ midöp ap ñö,
 hib magöñhalö hib nipe mo gau midpal.^o
- 10 Anig ga u, Jisas hib nipe dap rannig,
 kale magöñhalö,
 kumi kabö adö lañ au midpal gau abe,
 minöñ naböñ adö it i midpal gau abe;
 minöñ naböñ mo gau midpal gau abe;
 kugom yimöm,^p
- 11 kale magöñhalö waiö hagöm,
 Jisas Krai nipe Bi Kub midöp a ginaböl.
 Manö anibu hageinaböl u,
 Bapi God mailö aij nipe u niñnaböl.^q

Hapö mailö paköp u rö, mailö göl gi midaiun

12 Anib u, nibi bi midmagö yad gau. Kale aip midainö ñin u, manö hagnö niñmim gimidim. Pen miñi gai i midpin u, manö kalöp hagabin anibi, anib unbö rö nöp niñmim gimim. God nibi bi nipe ram minöñ kumi kabö adö lañ au ud arnab a ga manö aij u manö hon a gimim, pör nöp God nip gasi aij niñmim, nipe hagöp rö nöp niñmim, klö yabił gi midaimim. 13 God nipe nöp klö göm midmagö kale añ dañ gasi ñö, nip aij ginab adö u gun a gimim anig gipim. 14 Mulu lugö, pen pen hagagmim. 15-16 Kale anig gimim, ram minöñ it i midmim, nibi bi naj yabił nan si nan naj gimidal gau aip midpim u pen kale God ñi pai nipe aij yabił asiñ midagöp mideinabim. Kamiñ ñeb manö u ud nibi bi nan si nan naj gimidal gau kalip ñimim, gapi magö kumi kabö lañ ñi lab rö u, kale mailö ñi limim. Anib u, Krai ado gi aunab ñin u, Krai manö aij kalöp pör hag ñibin u, hagnö pak li aragöp, niñöm adö anibu nöp gipal a gem, miñ miñ yabił ginabin.^r

17 Kale God nip niñ udpim u, nip nan pak sabe gi ñilö nip aij göp rö u göp. Pen Krai manö aij u pör hag ñinö yip al pak lilö hagape yad lugnab u, manö midagöp. U yihariñ ñig wain ud nan pak sabe gipal adö u hoñ gipal rö u midöp. Kale God nip niñ udpim u nan pak sabe gep; hagape yad lugnab u ñig wain adö u hoñ gep. Anig gö, hon se göl God nip nan

ⁿ 2:8 Hib 5:8; 12:2 ^o 2:9 Ap 2:33; Ep 1:20-21; Hib 1:3-4 ^p 2:10 Ro 14:11 ^q 2:11 Ro 10:9
^r 2:15-16 Dan 12:3; Plp 1:10; 1De 2:19

sabe gi ñino, nip aij ginab u niñem, ñiñi lem kalöp aip miñ miñ ginabin.
18 Anib u, kale u rö nöp miñ miñ gimim aij gö niñöl gi midaimim.^s

Dimodi ninab

19 Kale mid aij gipim aka aigöl gi rö midpim u niñagpin. Bi Kub Jisas yau a gö, söl midöp Dimodi nip yunö am kalöp niñöm apöm manö anibu hagö, yip aij ginim. 20 Dimodi bi aij, yad kalöp mög niñem midmagö libin rö nipe kalöp u rö nöp mög niñöm midmagö löp. Bi ap unbö gagöp. 21 Bi rimnap anig gagpal; kalip ke aij ginim rö gasi niñöm gipal; Jisas Kraiss nip aij ginim rö gasi niñöm gagpal.^t 22 Dimodi nipe bi aij yabiñ midöp u amgö kale ke hadö niñbim. Nipe ñi yad rö midö, bi apil mihau rö Jisas manö aij u hag ñi ajpul. 23 Yad gasi niñbin u, söl midöp nagi midpin u manö haglö niñem, yip nan nihön ginaböl manö u Dimodi nip hagnö, nipe amöm kalöp hag ñinab. 24 Gasi yad u, Bi Kub yau a gö, söl midöp yad ke u rö nöp midpim u ninabin.

Epaprodaidas ninab

25 Pen kale mam hon Epaprodaidas nip hag yube apöm, yip abad midö niñöl gi, hol ami bi gipal rö klö gul God wög nipe u jim ñöl gipul. Pen miñi nip hag yunö kauyañ au ado gi ninab.^u 26 Nipe kalöp midmagö löm am niñnam a göp. Nipe nan göp a gila u niñmim mög niñaipe u nipe niñöm gasi iru niñab. 27 Epaprodaidas nip nan kub gö, mel uma u, God nip mög niñöm gö, urak ara. Pen nip nöp wasö; God yip u rö nöp mög niña. Mam anibu umböp, yip mög yabiñ giböp. 28 Anib u, Epaprodaidas nip yinid yunö amjakö, kalöp aij gö niñöl gi, yad gasi iru niñbin rö niñagnam. 29-30 Kale nöd milö kub gau midaipe, bi yip abadep ap midagö, bi kale anibu hagpe, Kraiss wög u ginam a göm, apöm yip abad midöm, mel uma. Bi rimnap unbö rö gipal gau ud aij gimim. Anib u, nipe amjakö, Bi Kub nip wög göp mam hon u auab a gimim, nip hag wihai udmim miñ miñ yabiñ gimim.

Kraiss nip niñ udpin u me, God yip niñöm bi kamiñ aij yad hagöp

3 1 Añ mam bi. Yad manö söl hag junig gem, kalöp manö ap halö hagnig gabin. Bi Kub nibi bi nipe midpim rö, miñ miñ gimim. Manö kalöp nöd hagnö u, kauyañ hagnam a ginö, yip marö gagöp. Kauyañ hagnö mid aij geinabim u aij.

2 Kain hauñ gau niñ aij göl gi midaimim. Kale nan naj yabiñ gipal. Kale hañ romañ rib gi dö gipal. 3 Hon me God nibi bi nipe yijig göl midpun. Nihön ginig: God Ana nipe u hanip aip midö, God nip sabe gun. Kraiss Jisas nip cig gun aij a gö niñöl gi midpun u me, God nibi bi nipe yijig

^s 2:18 Plp 3:1; 4:4 ^t 2:21 2Di 4:10 ^u 2:25 Plp 4:18

göl midpun. Hon hañ roman nan gau gipal gasi niñun God nibi bi nipe midageinabun, a gi gasi niñbun u me, God nibi bi nipe kabö göl midpun.^v

⁴Pen hañ roman nan gau gipal manö u hagöm, hon bi kub midpun a ginaböl u, yad hagnabin, kale hañ roman nan anib gau bi kub wasö, yad ke nöp bi kub midpin.^w ⁵Yip yag dapöm ñin unbö raleb u midöm, wañ hañ u rib gi dö gila. Bac iñañ hon Isrel, ñi nipe hain Benjamin it u me, yad bi Hibru yijig göl midpin. Pen Juda lo manö hagpal u, yad bi Perisi midainö rö, manö anibu hagöp rö magöñhalö niñ aij gem gi midmidin.^x ⁶Juda manö anibu niñ damem klö yabiñ juem, Krajs nibi bi kalip niñem, gi naj yabiñ gimidin. Hon Juda nibi bi lo manö pro pro ke ke gau gimidin rö, bi kub gau yip manö ap hagöl rö laga.^y ⁷Pen hainö gasi niñ aij gem, nöd gimidin adö anibu niñ aij gem gagmidin u niñem, Krajs yip göp u nöp nan aij a gi gasi añi u nöp niñöl gem, nöd gimidin nan gau magöñhalö nan yihariñ rö böñ nöp arö ginö.^z ⁸Pen nöd gimidin nan gau nöp wasö. Gasi yad niñbin u, Krajs Jisas Bi Kub yad niñbin u nan kub yabiñ. Nan rimnap gau magöñhalö nan yihariñ yabiñ. Krajs Jisas nip wög ginam a gem, nan gau magöñhalö arö ginö. Krajs bi nipe midem, nip niñ aij ginam a gem, nan gau magöñhalö acip acip rö niñbin. ⁹Yad Krajs aip jim ñöl nöp mideinam. Yad Juda lo manö adö u geinabin u, God yip niñöm bi kamiñ aij yad hagagnab. Pen Krajs nip niñ udpin u me, God yip niñöm bi kamiñ aij yad hagöp.^a ¹⁰Anib u, Krajs nip niñ aij gem, nipe uraka u klö anibu niñem, nipe marö kub uda u rö marö udem, nipe uma u rö umem,^b ¹¹nipe uraka u rö God gö yad u rö nöp uraknabin.

Pol klö göm ga

¹²Yad nan hagajin anibi magöñhalö udem bi asiñ midagöp midpin u hagagabin. Pen Krajs Jisas yip udö bi aigeg bi rö mideinabin a göm ga u rö udnam a gem, klö gem dip arabin.^c ¹³Añ mam bi. Nan aij anibu hadö udpin a gem hagagabin. Pen yad gasi añi ap midöp. Nöd gimidin u hauñ gem, le löm nan aij adan au niñem dip arabin. ¹⁴God nan aij yip ñinab u udnam a gi gasi añi u nöp niñöl gem, adan au kabö rö nöp gi dö gi amem, res pis ginab nagi anibu dip arabin. God yip wiñ alöm nan aij ñinab u, Krajs Jisas yip gö ram minöñ kumi kabö adö lañ au pör mideinabin.^d ¹⁵Hon nibi bi God nip cig aij gi midpun gau magöñhalö, gasi anibu rö nöp niñun. Pen manö adö rimnap gasi ke niñeinabim u, God kalöp gasi yijig göl niñeb u yamnab.^e ¹⁶Pen Krajs manö aij niñ udpun u arö gagun; manö anibu niñ aij göl gi gino arnim.

^v 3:3 Ro 2:29 ^w 3:4 2Ko 11:18 ^x 3:5 Luk 1:59; 2Ko 11:22; Ap 23:6 ^y 3:6 Ap 8:3

^z 3:7 Mad 13:44,46 ^a 3:9 Ro 3:21-22 ^b 3:10 Ro 6:3-5; 8:17 ^c 3:12 1Di 6:12,19

^d 3:14 1Ko 9:24 ^e 3:15 1Ko 2:6

¹⁷Añ mam bi. Yad gipin rö gi dammim, nibi bi anib rö gilö aröp gau niñmim, kalip udmim.^f ¹⁸Nihön ginig: kalöp pör hagmidin rö miñön gem kauyañ hagabin, nibi bi iru nöp gau nan si nan naj göm, Krai mab kros ba lañ uma u kaua maua rö midpal. ¹⁹Kale ram minöñ naj yañ u arnaböl. Hañ romañ kale gasi göp adö u nöp gasi niñbal. Nan si nan naj gilö nable giböp pen kale bi gau kalip waiö haggpal. Nan minöñ naböñ adö iñ i midöp nöp gasi niñbal.^g ²⁰Pen ram minöñ hon u ram minöñ kumi kabö adö lañ au midöp. Kumi kabö adö lañ au nibö, Bi nibi bi kalip kamiñ yunab u, Bi Kub Jisas Krai, abad midpun.^h ²¹Nipe Bi klö yabiñ hagö, nan gau magöñhalö manö nipe niñöm hain ginab. Bi Kub Jisas Krai klö anibu gö, hañ romañ ña hon hij gi lugöp gau gö, hañ romañ aij yabiñ, hañ romañ nipe ke rö lö mideinabun.ⁱ

Mid aij gimim

4 ¹Anib u, nibi bi aij yad gau. Milö kub gai i midem, kalöp midmagö lem, am niñnam a gem, gasi u niñöl gi midpin. Kalöp niñem, ñiñi lem gasi halö midpin. Manö kali ktiñ rikpin anibi niñmim, anig gimim, Bi Kub niñ ud pidöñ göl gi midaimim.^j

²Yuodia aip Sidiki aip, yad kalöp nibi miñau hagabin, kale Bi Kub u nip gasi niñbil rö, pen pen hagagmil, jim ñöl midaimil.

³Pen bi yad aip jim ñöl wög gipul, nöp hagabin, nibi anib miñau kalip gi ñimön, mid aij gimil. Nöd nibi anib miñau, yad u, Klemen u, nibi bi rimnap gau aip jim ñun, Krai manö aij nipe u nibi bi gau hag ñimidun. God hib kale buk pör midep yañ rikö midöp.^k

⁴Bi Kub nip cig gimim, miñ miñ göl gi midaimim. Kauyañ u kalöp hagabin, miñ miñ göl gi midaimim! ⁵Nibi bi hain aij yabiñ midaimim, nibi bi gau magöñhalö niñöl. Bi Kub söl aunab.^l ⁶Gasi kub niñagmim. God nip hag niñöl gi, aij a göl gi, nan magöñhalö nip sabe göl gi gimim.^m ⁷Anig gipe, Krai Jisas nip cig aij gi midpim u me, God hibur hain hain gasi midmagö kale añ dañ lö, kale piñiñ gimim gasi iru niñagnabim. Nibi bi nöp midpun rö, God aigegö göm anig göp u niñagpun.ⁿ

⁸Añ mam bi. Yad manö söl hag junig gem, kalöp manö ap halö hagnig gabin.

Nan niñön u niñö;
 nan niñön u yijig göl;
 nan niñön u kabö rö;
 nan niñön u asiñ midagöp;
 nan niñön u midmagö lep;

^f 3:17 1Ko 4:16 ^g 3:19 Ro 16:18 ^h 3:20 Ep 2:6,19 ⁱ 3:21 1Ko 15:28,43-53 ^j 4:1 1De 2:19-20

^k 4:3 Luk 10:20 ^l 4:5 Hib 10:25; Jem 5:8-9 ^m 4:6 Mad 6:25-34; Kol 4:2 ⁿ 4:7 Ais 26:3; Jon 14:27; Kol 3:15

nan nihön u nibi bi niñöm ñĩñi libal;
 nan nihön u aij yöl;
 nan nihön u nibi bi niñöm aij a gipal;
 nan anib gau nöp gasi niñöl gi midaimim.

⁹Kalöp aip midem, nan nihön ginö niñbe u, manö nihön hagnö niñbe u, niñbe rö nöp gimim. Anig geinabim, God kalöp aip midöm, gasi midmagö kale abad midö, gasi iru niñagnabim.^o

Pilipai nibi bi Pol nip nan ñeila, miñ miñ ga

¹⁰Yad hagnö e, yip hauł gipal a gi gasi niñnö u pen wasö; yip gasi niñöl gi midaipe pen adan midageia niñöm kale yip nan ap yuagpe. Pen miñi yubim rö, yip gasi niñöl gi midpim u niñem, Bi Kub hon u nip miñ miñ yabił gabin. ¹¹Nin rimnap yihariñ midpin gasi u niñem hagagabin; Bi Kub yip gasi ñö uri niñbin, yip nihön nihön ginab u, manö midagöp. ¹²Nin rimnap nan iru midöp; nin rimnap midagöp. Midöp nin gau niñbin; midagöp nin gau yihariñ midpin. Göp anibu, nan iru midö aka midagö, gasi kub niñagpin. ¹³Bi Kub yip abad midöm kłö ñöb u me, yip nihön nihön gö a ginab u ginabin.^p

¹⁴Pen yip miñör gaia, kale yip gasi niñmim nan ñibim u, aij yabił gipim. ¹⁵Kale Pilipai nibi bi niñbim, kale Jisas manö aij nipe u nöd api niñbe nin u, yad Masedonia Propins arö gem, God Manö hag ñi ajmidin, God nibi bi nipe mideila gau rimnap yip nan ñagla. Kale Pilipai nibi bi nöp yip mani nan gau ñimidim.^q ¹⁶Pen amem daun kub Desalonaika midainö nin u, yad nan ap midageia pen kale yip mani nan gau pör ñimidim.

¹⁷Pen mani nan gau a gem hagagabin; gasi kale ke niñmim, nan hałöwałö ñibe, God kalpe miñ miñ yabił göm, kale gipe u hauł gagnab, a gem hagabin.

¹⁸Nan yube magöñhalö udpin. Bi kale Epaprodaidas nip mani nan gau ñibe, dapöm yip ñö, miñi nan iru yabił midö mid aij gipin. Yip yube anibu, God nip nan lauöm ñilö, hañij aij auö nip aij gimidöp rö u gipim. ¹⁹Kale Krajs Jisas nibi bi nipe midmim, yip nan yubim u, God yad bi gep yabił u kalöp abad midöm, nan nihön midagainim gau kalöp ñinim.

²⁰Anib u, God Bapi hon hib nipe pör nöp pör nöp hagno adö arnim. Anib unbö rö aij.

Manö naböñ magö rimnap

²¹⁻²²Krais Jisas nibi bi nipe bi kub Sisa aip midpal gau, kalöp Krajs Jisas nibi bi nipe midpim gau, “Kale midpim?” a gipal. Anib u me, God nibi bi nipe aui midpun magöñhalö, kalöp Krajs Jisas nibi bi nipe midpim gau magöñhalö, “Kale midpim?” a gabun.

²³Bi Kub Jisas Krajs kalöp magöñhalö mög niñöm abad midainim.

^o 4:9 Ro 16:20 ^p 4:13 2Ko 12:10 ^q 4:15 2Ko 11:9